

(Službeni glasnik Bosne i Hercegovine br. 48/05)

Na osnovu člana IV. 4.a) Ustava Bosne i Hercegovine Parlamentarna skupština Bosne i Hercegovine, na 58. sjednici Predstavničkog doma održanoj 8. juna 2005. godine i na 43. sjednici Doma naroda, održanoj 29. juna 2005. godine, usvojila je

ZAKON O IZMJENAMA I DOPUNAMA ZAKONA O KRIVIČNOM POSTUPKU BOSNE I HERCEGOVINE

Zakon o krivičnom postupku Bosne i Hercegovine ("Službeni glasnik BiH", br. 3/03, 32/03, 36/03, 26/04 i 63/04), mijenja se i dopunjuje kako slijedi:

Član 1.

U članu 112. (Analize dezoksiribonukleinske kiseline), riječi: "ustanova specijalizovana" zamjenjuju se riječima: "institucija koja posjeduje potrebnu stručnost, u smislu osoblja i opreme, da obavlja forenzičku DNK analizu".

Član 2.

U članu 115. (Registar izvršenih analiza DNK i zaštita podataka), u stavu 1., riječi: "u posebnom registru pri nadležnom ministarstvu u Bosni i Hercegovini" zamjenjuju se riječima: "u posebnom registru pri Ministarstvu sigurnosti Bosne i Hercegovine".

Nakon stava 1. dodaje se novi stav 2., koji glasi:

"(2) Ministar pravde BiH donosi Pravilnik o načinu prikupljanja i uzimanja uzoraka biološkog materijala za potrebe DNK analize u krivičnom postupku, o načinu pakovanja prikupljenog biološkog materijala, čuvanja, obrade i pohranjivanja uzoraka i dobijenih rezultata DNK analize u Bosni i Hercegovini".

Dosadašnji stav 2. postaje stav 3.

Član 3.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj 190/05
29. juna 2005. godine
Sarajevo

Predsjedavajući
Predstavničkog doma
Parlementarne skupštine BiH
Šefik Džaferović, s. r.

Predsjedavajući
Doma naroda
Parlementarne skupštine BiH
Velimir Jukić, s. r.